



24okt 2022

UKA 2022/28

Namminersorlutik Oqartussat Umiarsualivinnut Immikkoortunut pilersaarutaat 2017-2027-imoortoq tunngavigalugu umiarsualiviit aserfallatsaalineqarnerinut, ineriartorteqqinnerinut ingutserneqarnerinullu pingaarnersuinermut pilersaarummik, qanorlu siunissami aserfallatsaaliinermut aningaasartuutissanik kinguaatsoorfiunnginnissamut periarfissanik imaqartumik Naalakkersuisut suliaqaqqullugit peqquneqarnissaannik Inatsisartut aalajangiiffigisassaattut siunnersuut.

(Inatsisartuni ilaasortaq Harald Bianco Inuit Ataqtigiit)

Siumumiit siunnersuuteqartoq siunnersuutaanut qutsavigaarput, imatullu oqaaseqassalluta

Siunnersuuteqartup tunngaviatigit siunnersuummini taakkartugaani qitiusoq Tasiilami umiarsualiveqarnermi pissutsit takutitsipput sinerissami siammasissumik talittarfeqarnikkut unammilligassat amerlaqisut ilagigaat aaqqiinissarlu siunertaralugu iluarsineqartariaqartunut ilaalluinnartoq

Piffinni assigiinngitsuni annertuumik talittarfeqarnikkut iluarsaassisoqarnissaanik, kiisalu nutaanik sanasoqarnissaanik pisariaqartitsisoqartoq Siumumiit ilisimavarput, tamatumallu tungaagut suleqataalluinnarnissarput siunertamullu tikkuusseqataanissarput qularutigineqassanngilaq

Siammasissumik ilisimaneqarpoq talittarfitsigit annertuumik unammilligassaqarnerput, tamatumunngalu siunnersuuteqartup aserfallatsaaliinermut kinguaatsuunnginnissamut periarfissat qulaajarneqarnissaat pillugu saqummiussaa tunngaviatigit ajorinngilluinnarparput taperserlugulu, tassami siunissami pitsaanerumik aserfallakkiartorneq pinaveersaassagutsigu illuatungaagut qanoq iliorluta pinngitsoortitsiniarnissaq soqutigilluinnartariaqarparput

Talittarfiit piffinni tikikkuminarsaanermi pingaarutilerujussuunerat ilisimaaraarput pitsaasuujarnissaasalu pingaaruteqassusaat pingaaruteqarluinnartutut isigalutigu

Naalakkersuisut akissutaat misissuataareerlugu tunngaviatigit aamma iluarisimaarparput, ilaatigit taammasuk Umiarsualivinnut pilersaarut pigineqareersoq, aammalu soqutigineqartoq ineriartortitsinermut isaterinermullu tullerriaakkat pillugit suliniutit soqutigineqartut oqaatigineqarnerat iluarisimaarparput

Naalakkersuisut allannguutissatut siunnersuutaat taperserlugu suliaasaq ataatsimiititaliamut susasaqartumut ingerlateqqipparput, tassanilu eqqartorluarneqarnissaa kissaatigalutigu

Jens Kristian Therkelsen Siumut